

# QVÆSTIO MEDICA.

## QVOD LIBETARIIS DISPVATIONIBVS MANE DISCVTIENDA

### IN SCHOLIS MEDICORVM DIE IOVIS XXVII. NOVEMBRIS,

### M. PETRO RICHER, Doctore Medico, moderatore.

831

*Potestne ex vtero matris extinctæ viuis infans suapte vi prodire in lucem?*

**Q** VANTO cordi testes præstare dicuntur, tanto ipse vterus testibus antecellit nobilitates absque illo esset, inanis foret horum labor omnis atque opera; nimirum jaceret præclarissimâ vis ingenerata semini, siue anima ipsa est, siue facultas quædam animæ vicaria & administra, nisi singulari planèque admirabili vteri proprietate excitaretur; vt non abs re sapientes memoriæ prodiderint diuinum quid huic inesse parti, eamque alterius animantis loco habendam, quæ flagrans desiderio immortalitatis semen tam auidè expetit, vt ei suis penè conuulsa sedibus obuiam procedat, exceptum id gremio mollior atque subactò studio sissimè recondat, si præsertim adhuc madet menstrui sanguinis reliquiis non multò antè profusi, ex eo vim procreatricem sopitam eliciat extimuletque ad suscipiendum opus conformationis, ac demum fœtum jam grandem natu, maturum atque adultum certet summis viribus extrudere, quæ ipsius actio partus est, expulsio fœtus numeris omnibus absoluti ex parentis & infantis pari conatu profecta.

**V** T E R V S ita est à natura comparatus, vt non antè fœtum de sinu suo complexûque patiatur eripi quàm ille quodammodo maturuerit: toto portò eo cursu temporis quò vis conformatrix in corpore fingendo perpoliendòque versatur, vterus colligit seque adducit in angulum quò fœtum quàm arctissimè contineat, cum eo consilio maximè ne pars vlla spiritus & caloris expiret, ac ne quid intro subeat quod fœtus elaborationem interpellet, ipsèque interim instar boni & liberalis parentis vndique inquirat & parat fœtui necessaria vitæ subsidia, sanguinem illûmque vberissimum ex venis haustum (nam acetabulis caret in hominum genere) vitalem spiritum & calorem, vimque omnem aeris temperando caloris infitruori accommodatam ex arteriis quibus perfunditur quamplurimis ad eundem transmittit. Cum primum verò fœtus satis roboris est adeptus ad vitam suis auspiciis agendam, tum vis retentrix munus intermittit suum, adeoque natura ipsa facultati expultricis partes mandat illius abigendi excutiendique: mirum dictu! Os interius matricis oclusum hæctenus & obsignatum sua sponte aperitur, & patet, viamque munit infanti in caput prodeunti facilem & expeditam.

**Q** V A M Q V A M partus parem propè fœtus & parentis contentionem flagitat, nihilominus mater in eo negotio partes præcipuas sibi videtur vindicare: est enim partus actio facultatis expultricis vtero inditæ, quâ is conatur fœtum abigere, seque expedire onere molestissimo, tantòque interdum impetu in hoc opus incumbit, vt simul erumpat foras, semelque incitatus in procliu labatur, nec se possit sustinere: Ecce fœtu ipso vinculis quibus constrictus tenebatur soluto, ore interno satis diducto & patente fundus vniuersus quamproximè potest ad os se contrahit, & applicat, fœtûmque ipsum extrahit. Huic etiam partes aliæ in subsidium veniunt, scilicet contracti intentique abdominis musculi vtero non mediocriter opitulantur, neruôsque omnes adhibent ad fœtum strenuè excludendum, ipsa compages ossium pubis dissoluitur, coccyx ossi sacro adnexus paulisper cedit, ne quam fœtui medio in cursu moram obiciat, omnesque adeo partes corporis summo studio in id conspiciant, ac pro se quæque nituntur partum promouere.

**M** A T R E fato functa fœtus in aluo delitescens, diu superstes & incolumis esse non potest, nedum inde prorumpere longo intervallo temporis postquam illa diem suum obierit; nullus residet calor in demortuæ cadauere qui fœtus vitam sustentet, eo ipso quo mater animam efflauit momento omnis est consumptus, dissipatæ quoque & deletæ funditis copiæ omnes spirituum, quorum cum in administratione corporis, & quibusvis functionibus obeundis vis est permagna; tum ea in partu elucet vel maximè: horum beneficio anima corporis humani gubernatrix motus quosque aggreditur etiam vehementissimos; his languescens vis si neque lotium emittere potest natura, nec reliquias alui effundere, (quod vbi ventum est ad extrema, in exitalibus morbis per sepe euenit) quid tandem extinctis futurum est?

**F** O E T V S siue immaturus ille sit, siue maturitatem quandam suam adeptus, nunquàm emerget ex vteri latebris nisi grauis esset naturæ, ipsique vim afferret vel pondere nimio corporis, vel vitio & colluue excrementorum quâ vndique circumfluit, vel etiam turbulentis motibus quibus assiduè iactatur: is namque spiritum de cælo ducendi cupidissimus, tum etiam perterritus moræ diuturnæ quam in vtero traxit, quam maximè potest pugnis & calibus discerpens atque dilacerans geminas membranas quibus est vinctus & circumseptus, matri quoddam quasi dolorum faces admouet, quò fit vt eruciatum hunc ægerrimè ferens vterus emittatur quamprimum à se hanc molestiam amouere, ipsaque expultrix lacerata eodem conferat vires suas omnes, quæ matre defuncta, sensu omni deleta, nullis amplius doloris stimulis impelli potest ad fœtum eiciendum, neque vterus aperire se & dilatare, collapsa cuersâque illa facultate animæ quam huic muneri natura præposuit.

*Non ergo potest ex vtero matris extinctæ viuis infans suapte vi prodire in lucem?*

278

Proponerat Lutetiæ MICHAEL MARESS, Parisinus. A. R. S. H. M. DC. XXXVI.

DOMINI DOCTORES DISPVATVRI.

M. Gulielmus Guérin.  
M. Lancelotus de Frades.  
M. Iacobus Mantel.

||

M. Nicolas Mathieu.  
M. Carolus du Pré,  
M. Petrus Tommeys.

||

M. Franciscus Mandat.  
M. Claudius Lienard.  
M. Renatus Moreau, Prof. Reg.

F.M.P.  
BIBLIOTHEQUE